

四庫全書

史部

欽定四庫全書

史部

廣東通志卷五十五

六

詳校官監察御史臣龔驤文

檢討臣德生覆勘

總校官檢討臣何思鈞

校對官中書臣王鍾泰

謄錄監生臣許溶

欽定四庫全書

廣東通志卷五十五

塋墓志

周禮冢人墓大夫隸之宗伯陵墓詎不重哉注云
親踈如戚稽遠如近孝敬以存人心以萃禮亦云
墟墓之間未施哀于民而民哀蓋葬以類從而教
在其中矣故曰葬者藏也墓者慕也志塋墓

廣州府

宋端宗永福陵

在廣州新會縣崖山祥興元年九月葬端宗于崖山陵曰永福載在行朝

錄

楊太后陵

在崖山海濱太后赴海張世傑營葬倉卒莫辨其地又有宋后疑陵一在香山梅花

水坡上一在饒平南澳墳頭岡

舊志載羅定州東安縣有陳高祖陵按陳高祖為始興太守後受梁禪葬于江左名萬安陵在今江寧城東三十五里石獸尚存何由訛此或疑高祖傳位兄子臨川王其父初封始興葬此追尊後世遂悞為高

祖陵然亦無考據不敢撫入

南海番禺兩縣

秦南海尉任囂墓

在南海縣城內西北二里舊墓上有廟今為民居舊志云在法性寺

即今光孝寺前官道東
十餘里逮宋廟墓已失

南越武王趙佗墓

在番禺縣自雞籠岡以北至天井連岡接嶺皆稱佗墓舊志佗葬時

輜車四出莫
知真墓所在

南越文王趙胡墓

在番禺境

南越明王趙嬰齊墓

在番禺境今失其處初孫權聞佗多寶殉葬遣交州從事吳琦

訪佗墓莫知所在獲嬰齊墓掘之得玉璽
金印銅劍之屬後二劍經贛飛躍江中

漢太守鄧宓墓

在番禺城北馬鞍山馬援南征駐兵
岡上每風雨晦暝若有兵馬踪之得

墓

徵士董正墓

在番禺東

孝子羅威墓

在番禺東北黃波堡羅山上有石
十餘丈中有巖可坐三五十人

布山令唐頌墓

在番禺莫詳所在南
齊刺史范雲嘗祭之

晉建國大將軍陳元德墓

在番禺葵
塘鴻鵠嶺

唐孝子王博武墓

武許州人會昌中侍母至廣州值
暴風母溺死博武自投於水嶺南

節度使盧真俾人沉水獲二屍焉乃為葬之表其墓曰孝子墓詔為刻石

五代南漢劉王墓

在番禺縣城東二十餘里曰北亭明崇禎十五年田間有雷出奮而

成穴耕者梁父過而見因投以巨石空有聲乃內一雄雞其中自伺守至夜盡聞雞鳴無恙於是率子弟入將大發之見有金人如翁仲之屬者凡數舉之各重十五六斤其正處二金像冕而坐若王者與后之儀各五六十斤地皆金蠶珠貝築之有鏡一自發光燭照暗中如日月寶硯一硯中池有玉魚能遊動其他異物尚多不可指識但先携鏡歸家光動隣舍亟碎之鄰人覺而競往遂趨白官邑有司并拘繫之亟親其地視搜發一旦公私藉沒無餘其中一棺卽為掘者所糜骨齒稍有存者所發隧道如城鞏高五尺二座深三丈中有碑文始知為南漢王冢也文曰維大有十五年歲次壬寅四月甲寅朔念四日丁丑

高祖天皇大

缺

于

缺

趙光天元年五月癸未朔
禮也文多破闕不盡載

翰

林學士知制誥正議大夫尚書右丞上紫金袋臣盧
應敕撰并書以上各王陵墓有在南海宣風鄉有在

新會西古博都上
玉臺環了譬諸山

清海軍副使陳息卿墓

在番禺陳家村

宋贈翰林學士馮邠墓

在南海河村馮元之父

太守孔粹墓

在南海鼎安都其子元凱得商人遺金還之商擇地以葬粹俗呼陰隲墓

丞相葉顥墓

在南海丈圖街

尚書陳顯墓

在南海梯雲堡

朝奉吳必壽合葬墓

在南海大園岸門嶺

懷遠將軍李士諒墓

在番禺金鼎萬竹山

安撫使蒙甄墓

在番禺賜葬於繫龍崗

太尉蘇紹箕墓

紹箕建月溪寺卒葬番禺月溪寺後

提刑譚惟寅墓

在番禺粵臺東廣果寺後

承奉大夫李仙墓

葬番禺猛涌多石崗

學士李祐卿墓

在番禺白雲鄉

朝議大夫陳有諒墓

在番禺菱塘龍窟頭

朝奉大夫陳震墓

在番禺陳家村

奉議大夫梁百揆墓

在番禺葛麻山明學士黃諫銘墓

贈朝奉大夫蘇世矩墓

在番禺欖山堡金盆形山

奉議大夫王朝相墓

在番禺慕德里

勅封恭人李氏墓

在番禺係何世忠妻開寶間出粟餉軍勅封恭人賜山田以葬陳獻

章以詩
弔之

李忠簡夫人墓

在番禺河南沙頭獨孤社傍

李仙入墓

在番禺河南小港村口今已毀石亭故址猶有舊斷石柱存道傍

元廣州總管方道隆墓

在南海丹桂里

提領陳德甫墓

在番禺東門外麥子岡

明贈少師大學士梁祖順墓

弘治中賜葬于南海縣鬱州

尚書張泰墓

賜葬于南海石門山

府尹陳諤墓

在番禺白雲樸木坑都御史朱與言銘墓

贈少師大學士梁楚才梁直清墓

在番禺一林坑一龍眼洞

副使陳政墓

在番禺柏子林

侍郎李嗣墓

在番禺龍眼洞御贈祭葬祖遠父樸並贈侍郎墓在雞爬井

贈太子少保尚書霍厚一墓

在南海石頭坑石腦岡前有龜蛇水旗鼓山後

有石人石笋形勝異常正統中黃蕭養作亂鄉豪多受偽官惟厚一力拒之世稱義士尚書霍韜之祖也

贈太子少保尚書霍華墓

賜葬于南海西樵山雷壇峯尚書湛若水稱其五善

見懿德裕後碑

府尹陳錫墓

賜葬南海潯岡父贈太常卿珙墓在虎脈岡學士黃佐撰神道碑

少師大學士梁儲墓

賜葬番禺大觀山少師楊一清撰神道碑

諭德倫文叙墓

在南海涌頭

祭酒倫以訓墓

在南海銀坑嶺

少保大學士方獻夫墓

賜葬于南海金甌大同岡

侍郎黃秉墓

在番禺梅花庄祖銘福墓在鴻鵠嶺父連墓在虎嶺俱贈侍郎

尚書陳紹儒墓

賜葬于南海滄岡父鏊贈太常卿墓在山左

尚書潘濬墓

賜葬南海大鵬旗山

員外郎梁焯墓

在南海金利都大象山

左副都御史龐尚鵬墓

在南海沙坑清水岡尚書劉堯誨侍郎何洛文撰墓碑其

祖弼墓在弼唐村水井岡父憲墓在省坑尾並贈副都御史

贈少保大學士方用中墓

在番禺火羅嶺父贈少保世宏墓同

高士李孔修墓

在南海西樵雲路峯

贈少保大學士方遂墓

在番禺馬岡

布政使陶魯墓

在番禺龍眼岡

孝子阮珩墓

在南海西樵燕坑

烈女彭氏墓

在番禺城北大道左參議張詡表墓

孝子黃觀英墓

在番禺遊魚岡

尚書郭尚賓墓

賜葬南海大瀾灘

贈尚書李壯墓

在南海清水岡以孫尚書待問贈葬太夫人合葬陪始祖廣成右穴

贈尚書李暢墓

在南海沙堤。鑿頭岡。以子戶部尚書待問贈陳夫人合葬。有誥敕碑列孫

國學象震妻陳氏。歲貢象孚妻蘇氏陪葬左穴。

鄉賢李孝問墓

在南海龍頭岡。妻陳孺人合葬。父贈尚書李暢左穴。胞弟待問誌銘。都御

史蕭奕輔篆額。京卿葉廷祚書丹。監碑。

員外郎李陞問墓

在南海葫蘆岡。

光祿寺少卿陳堂墓

在番禺槓橋鋪。

都御史蒙詔墓

在南海花屋岡。

御史陳則墓

在番禺白雲麓梅岡。

知府李韓墓

在番禺沙灣

知縣劉拱辰墓

在南海北丫頭

翰林余瑞墓

在番禺西坑

司綵女陳氏墓

在番禺河南鵬墩村葬陳家林

錦衣衛同知陶鳳儀墓

賜葬番禺蚺蛇坑

右僉都御史李壯義墓

在番禺鹿步都胭脂塘

錦衣衛同知陶荆民淑人鄭氏合葬墓

賜葬番禺蚺蛇坑

知縣黃瑜墓

在番禺聚龍岡

贈主事龐儒墓

在南海龍埤岡

御史劉景辰墓

在番禺黃沙岡

封御史劉應鵬墓

在番禺淘金坑

主事龐景忠墓

在南海北門外

通判劉啓學墓

在番禺留什岡

黃女官墓

在番禺沙頭村

知府張瓚墓

在番禺蘇坑

通政叅議張詡墓

在番禺蘇坑

孝子黎天性墓

在番禺板橋村大南岡

黎氏義姑墓

在番禺板橋村後底岡

按察司副使江源墓

在番禺河村

主事黃漸逵墓

在番禺雙魚岡

都御史黎貫墓

在番禺鴻鵠嶺學士黃佐撰碑

通判黎瞻墓

在番禺菱塘河村中心岡

都御史吳章墓

在番禺石牌鄉

贈叅政郭正郭大治墓

俱在番禺城外

郎中馮元墓

在番禺三台山

主事李時行墓

在番禺鳳凰山

翰林編修黃畿墓

在番禺聚龍岡

少詹黃佐墓

賜葬番禺棲霞山書院之下

贈叅政曾達墓

在番禺玉屏山

給事余經墓

在番禺黃婆洞

封叅政曾紹皋墓

在番禺象牙峯

侍郎曾道唯墓

在番禺鳳凰岡

贈僉都御史蒙宗遠墓

在番禺龍眼崗

給諫蘇應旻墓

在番禺汀溪蓮湖金盤山

御史潘疇墓

在番禺西竺山

縣丞何子海墓

在番禺沙灣

主簿岑徽墓

在南海涌頭

義塚

在南海大墓岡李簡錫買地凡無歸者皆埋之

順德縣

宋御史鍾善經墓

在順德大福山

御史鍾曉墓

在順德龍江堡

叅軍吳璉墓

在順德水藤堡

進士吳達墓

在順德水藤堡

學士何連墓

在順德新生岡

貞女吳妙靜墓

在龍江堡進士南金女督學副使蔡克廉表具墓

貞女吳氏墓

在龍江女橋下尚書湛若水表誌

明錦衣衛百戶劉莫墓

在都寧廵司之右

東莞縣

宋麥將軍墓

在縣歸城里黃山
山墓今已蕪沒

尉遲將軍墓

在東莞靖
康村路傍

鎮國將軍陳磐墓

在城外
橋山

將軍夏侯諒墓

在東莞溫塘銀瓶嶺
邑人祁文友誌其墓

將軍熊飛墓

在東莞
銅嶺下

李春叟墓

在東莞
麻地嶺

李用墓

在東莞
楊梅嶺

明禮部侍郎陳璉墓

在縣南三十里竹溪
賜祭少師王直銘墓

左副都御史羅亨信墓

賜葬于蘇地嶺
主事袁衷誌銘

僉都御史盧祥墓

在東莞境
賜祭葬

左副都御史彭誼墓

在東莞御
賜祭葬

布政使祁順墓

在金叙嶺子郎中
敏知府敕皆祠葬

尚書王纘墓

在東莞御
賜祭葬

光祿寺卿鍾卿墓

在東
莞境

長史林光墓

在東莞溫
塘銀瓶嶺

孝廉陳絢墓

在東莞
城外

陳建墓

在縣境

少保陳榮墓

在長嶺坡

尚寶卿袁崇友墓

在大嶺寶坡

從化縣

宋侍郎周一濂墓

在沙灣嶼山

右正言郭閻墓

在馬村勝龍岡

安撫使張書言墓

在馬村栽嶺

提刑吳純臣墓

在馬村沙溪里

翰林權直劉哀然墓

在汾
乳嶺

明尚書張度墓

賜葬縣
下庄

新寧縣

宋義士伍隆起墓

在新寧城西四里黃牛
推車山俗謂香頭墳

元主事張廣俊墓

在黃
蛇山

明知縣張英墓

在勒馬
潭山

增城縣

宋右丞相崔與之墓

在縣西歸仁鄉
雲母都華之麓

侍郎李昉英墓

在綏富都
豐湖山

通判贈太子太師李天棐墓

在綏富都
尚鄉嶺

朝請李肖龍墓

在南綏都
鳳凰岡

寧國伯何昌期墓

在通儒鄉
七拱橋

孝子韓經墓

在縣南
孝順坊

明贈侍郎張復禮墓

在縣西章山
宋濂銘墓

贈尚書湛江墓

在赤
泥山

贈尚書湛英墓

在荷
塘村

尚書霍韶墓

賜葬南鄉嶺子僉事
霍與瑕墓在其右

尚書湛若水墓

賜葬天
蠶嶺

贈光祿寺少卿何天球墓

在本縣雲
母都帽嶺

香山縣

宋太傅樞密使張世傑墓

在香山西南一百五
十里黃良都赤坎村

明副使黃鑰祖墓

在本縣
蛤婆嶺

黃溫德墓

在縣大
北了坑

大學士何吾騶墓

在縣北七十里小攬鳳山曾祖贈
大學士何純在縣南五十里黎村

祖贈大學士何世睿在縣北七十里大欖飛駝
山父贈大學士何述鉉在縣南六十里鹿鳴嶺

尚書李孫宸墓

御賜祭葬
在縣黎村

新會縣

宋參政余元鏗墓

在新會華萼
都龍護岡

馬持國墓

在西城外
道姑井

馬晞墓

在歸德
井根

黃大有墓

在灑水
凹頭

侍郎趙景墓

在趙
村

明處士黎正墓

在圭峯左麓

左副都御史魯能墓

賜葬于新會懷仁里象山

吳峯墓

在黃雲山

翰林檢討陳獻章墓

在皂帽峯湛若水撰墓碑

蕭烈女墓

在雷甯山成化間知縣丁積修其墓割廢田六十餘畝命邑人歲守祭祀之

莊節婦墓

在雷甯山成化間知縣丁積割廢寺田六十畝祀之

節婦林氏墓

在白沙村

區越墓

在黃雲村

節婦馮氏劉氏墓

在蓬萊館山

節婦黃道娘墓

在都會村路傍

烈女利氏墓

在雙節墓傍

尚書何熊祥墓

在都會村

同知湯毓墓

在城西貴奇坑

廉使林枝橋墓

在城西十里蓮塘村

三水縣

明南京尚書何維栢墓

在鎮岡山御賜祭葬

新安縣

宋駙馬都尉鄧自明墓

在石井山下宋趙王女配邑人鄧自明光宗賜祭田十頃

今田尚存
子孫繁盛

金夫人墓

在官富山相傳慈元后女溺死鑄金身以葬

耿榮祿墓

在金夫人墓側有碑刻耿榮祿墓四字

朝奉鄭某墓

在席帽嶺

講書吳某墓

在南山橋子樹下

朝奉吳某墓

在楓木寨

明雙烈墓

在涌頭石鼓墩

何正母墓

在碑楠山

孝子鄧某墓

在大步墟

花縣

宋機宜文字陳璽墓

在巴由山

元樞密副使陳大謨墓

在巴由山即璽子

韶州府

曲江縣

陳司空侯安都墓

在城外桂山東北五里

隋宿國公麥鐵杖墓

在韶石之北

唐丞相張九齡墓

在城西二十里武臨源御史大夫徐浩撰神道碑

殿中丞張九皋墓

在洪義里武臨源左補闕蕭昕撰神道碑

五代南漢主劉鋹墓

在獅子岡即今白虎寺越王山今無存

屯田郎中黃正墓

在縣豐樂鄉鄧林山尚書余靖撰墓碑

大理寺丞王式墓

在縣興文鄉折桂里尚書余靖銘墓

宋尚書余靖墓

在城西四十里成家山歐陽修撰墓碑明嘉靖間巡按御史陳大用叅政

詹瀚奉詔重建
享堂編夫看守

樂昌縣

隋刺史鄧文進墓

在縣東長逕即其故居四世孫牢
州刺史鄧儋墓亦在會稽勞說撰

碑墓

譚必墓

在縣南
揭殿坪

明布政使白思謙墓

在縣北周山大學
士金幼孜撰墓志

少卿鄧忠毅顯墓

在戴上坪又名飛鳳岐
大學士丘濬撰墓志

乳源縣

宋翰林學士胡賓王墓

在大塘連岡

殿中丞鄧戡墓

在縣雲門鄉子知州堂孫知縣弼亮墓同村焉

翰林學士胡夢正墓

在九仙山火燒堆

元義士鄧可賢墓

在本縣井頭天德寨下

乳源知縣劉信墓

在縣大甸距城東一里士民葬之其母董氏墓在信之上

英德縣

盧家墓

不傳何代在縣西二十里相公堆其山高峻前有兜鍪鞋山舊傳盧夫人家墳在上墳前

有竹人謂之掃墳竹

南雄府

保昌縣

按舊志有隋宿國公麥鐵杖墓在百順都但已見曲江縣不贅叙

唐御史張徹墓

在保昌境死難韓愈銘其墓

宋忠節韶州僉判邱公墓

在蓮溪二都園圃村

朝散許致墓

在許塘村

贈奉直大夫鄧酢墓

在大夫村胡銓銘墓

明都御史陳德文墓

在滿湖塘翰林學士王景銘墓

知府楊明德墓

在大禾坑

行人朱子福墓

在喚
爺嶺

知府蕭守中墓

在五
里山

僉事蔡愈濟墓

在城南百
里插禾塘

贈侍郎譚昇墓

在五
里山

贈侍郎譚驥墓

在世顯坊吏
部李默表墓

始興縣

尚書譚大初墓

在楊陂迳戶部
尚書馬森銘墓

惠州府

歸善縣

宋丞相吳潛墓

在嘉祐寺南嶺

承務郎朱誥墓

在平遙屏山之下從事郎主管文字徐士龍誌

元府尹劉應霖墓

在內外管天井湖上

明東莞伯何真墓

在筆架山下

中允陳顥墓

在馬庄山

進士翟彥榮墓

在響地舖

叅政吳高墓

在黃塘

知府蕭清墓

在黃塘

叅議葉頤墓

在馬庄

僉事郭觀墓

在黃塘新村

進士鍾雅墓

在響地鋪

知府葉應墓

在響地鋪

按察使姚祥墓

在下郭河塘通政南海張翊撰墓誌銘

叅議楊天祥墓

原在書齋今遷神壇障

御史唐勲墓

在永平赤江

封翰林編修楊傳芳墓

在良村大斗嶺禮部尚書陳經邦銘其墓

義士湛懷德墓

增城人葬永平火岡山國子監祭酒楊起元銘墓

叅議鄭維新墓

在周逕

大理寺丞曾守約墓

在浮碧岡大學士呂調陽銘墓

叅議利賓墓

在西湖萬壽塔山

長史李鵬舉墓

在博羅大蓼塘禮部尚書王錫爵誌銘

苑馬寺卿李學一墓

在呂村

侍郎楊起元墓

在西湖官田山賜祭葬其門人大學士吳道南誌墓

宮保尚書葉夢熊墓

在西湖游龍山賜祭葬吏部侍郎楊起元表墓學士王弘誨銘

封知縣陳九成墓

在西湖榜山侍郎陳子壯表其墓歸善縣傅汝爲誌銘

指揮李尚武墓

在蟠龍山禮部尚書韓日績撰墓誌銘

指揮雷鳴震墓

在龍山岡禮部尚書韓日績撰墓誌銘

博羅縣

晉葛洪衣冠塚

在羅浮山冲虛觀左

唐處士王體觀墓

在羅浮山佛寺南岡唐李翔改葬于此誌曰王處士墓

宋朝奉大夫盧邵義墓

在縣北七里黃嶺南麓

秘書張宋卿墓

在羅浮白蓮池

仙官墳

節度使呂鑑號呂仙官墓

元同知韓繼志墓

在蜆山

明知府楊頤墓

在羅仙曲澗

侍郎李頤墓

在縣西五里筆架山西南麓

給事潘本愚墓

在室嶺

叅政何欽墓

在黎村小壩

御史車邦祐墓

在澗陽

知縣翟宗魯墓

在龍華寺東

副使曾一經墓

在烏泥塘大學士王錫爵誌其墓

知縣韓欒墓

在金龜嶺刑部尚書顧璘銘其墓

副使曾祿墓

在香積寺

孝子何宇新墓

在黎村

烈女姚氏墓

在縣東螺湖側

侍郎張津墓

在縣西五里許龍岡

贈侍郎韓儔墓

在金龜嶺廣東按察使李文奎銘其墓

贈主事張政熙墓

在善政大學士
趙志皋銘墓

贈同知黃需墓

在大屏山大學
士朱國祚銘墓

鮑靚女墓

在羅
浮山

贈侍郎韓鳴鳳墓

在黎村御賜祭葬大
學士施鳳來銘墓

叅政黃流芳墓

在鹿
遊岡

叅政韓擢墓

在黃
岡尾

知縣韓鳴金墓

在楊
村坑

副使曾舜漁墓

在黃
岡尾

尚書韓日續墓

在松柏岡御祭葬尚書林欽
揖表墓學士黃士俊誌銘

長寧縣

宋校書郎古城墓

在君子峯下
古碑尚存

永安縣

將軍墓

在古名都下陳田不詳姓氏年代
嘗有光氣燭天相傳為古將軍墓

明黃孝子謙墓

在縣北
牛塘

黃孝子啓愚啓魯墓

在縣西林田謙子父
子三孝皆稱孝子墓

海豐縣

宋州守郭安仁墓

在陽安都地名蜈蚣口

承務郎盧功墓

在赤岸鋪西

明孝女彭氏墓

在縣西楊安都佛子嶺正德二年提學副使張極表之女名掌珠

封給事中葉珠墓

在平政驛右

都給事中葉高標墓

在西湖黃塘鳳山大學士黃士俊表墓翰林院檢討梁兆陽銘

其墓

孝子林子韶墓

在小液橋有墓道碑

御史李實墓

在碣石衛

主事黃守謙墓

在西坑

知縣林殷墓

在黃沙崗

知縣章美墓

在烏布

知縣鄭桂茂墓

在大汎

同知葉逢春墓

在長圳

知縣吳志高墓

在後塘

封知縣黃敬義墓

在雷公田

知縣黃易墓

在官塘隴
螺岡

長樂縣

明御史連以和墓

在城北二里

御史古彥輝墓

在城北

給事危正墓

未詳所在

州判張慎墓

在大田

舉人曾瓊墓

未詳所在

封員外郎顏珙墓

在東山

巡撫都御史顏容端墓

在東城五里

卽中鍾道墓

在縣東二里

大理寺評事顏福墓

在城西五里

孝子劉袞墓

在清化都管箕洞

孝子劉琛墓

在城東七里

興寧縣

宋學士羅孟郊墓

在縣南六里長陂塘尾年久葺燕嘉靖間知縣吳悌尋訪得之重加

封樹為文以記之

翰林宣教陳南一墓

在縣北五十里郭里塘

明知縣王天與墓

在縣東北半里湖背有顯忠亭教諭戚繼記

員外郎王璉墓

在城東五里新陂

連平州

宋文丞相二女墓

在城東南八十里忠信圖蘇坑仙女橋邊二女名壽娘定娘明副使

黃昭有紀俗
謠仙女墓

烈婦劉氏墓

知州蔣世珍妻在城南連岷亭右

孝子王某墓

長吉司巡檢王國仕子在百口塘墟

河源縣

元省元曹德秀墓

在江口楊梅逕

明知府馬昇墓

在縣隔江二十里馬姑嶺

贈轉運使李洸墓

在曾田黃沙郎中葉春銘其墓

進士李燾墓

在曾田

貢士封大中大夫李學顏墓

在東埔

知縣謝廉墓

在黃升厝

知縣江輔墓

在徐崗

潮州府

海陽縣

唐進士趙德墓

宋郎中許申墓

在楓洋

殿直許珪墓

在城東洗馬橋南

直講盧侗墓

在歸仁都登塘孫順之墓附

尚書王大寶墓

在城東北四十里胡銓銘

尚書度支員外郎林從周墓

有李清撰碣銘并序

金紫光祿大夫劉允墓子龍圖閣學士劉昉墓

在東廂桃

坑塘
內

丞相陸秀夫墓

在府城南八十里海中嶼上石碑尚存一傳在饒平縣南澳青徑口

元戴希文墓

在登贏都畚嶺邑人楊俊買地葬父得一碣乃知希文墓訪其後而歸之

樞密同知陳肅墓

在東廂黃金塘

明叅議林興祖墓

在韓山南大學士楊士奇銘之

尚書盛端明墓

在鳳山

修撰林大欽墓

在東莆山後

侍郎林熙春墓

在東莆諭祭葬

忠僮陳天桂墓

在畸溝田

潮陽縣

唐進士洪奮虬墓

在王嶼山

僧大顛墓

在靈山寺東有發視之者骨皮盡化唯舌根尚存復瘞之名瘞舌塚宋至道中鄉人

又發之唯古鏡一員而已乃疊石藏之如故

宋吳復古墓

在直浦麻田山下先卜居山中因葬焉

鄭南升墓

在南山廬子潭

進士趙嗣助墓

在北山

元張奐墓

在蓮花峯今
亡失其處

明寺丞李齡墓

在境內

修撰蕭與成墓

在貴山都
西林山

副使林大春墓

在竹山
都新寮

大理寺卿周光鎬墓

在揭陽舖
前諭祭葬

揭陽縣

宋知府彭延年墓

在官溪
浮邱山

鄉賢郭叔雲墓

在樵湖
塘口村

明寺丞王昂墓

在李坑山編修蘇葵銘

太僕寺卿吳裕墓

在黃陂山賜祭葬學士吳寬撰神道碑

長史莊典墓

在韓山東白瓷窰山

御史鄭一初墓

在遷橋山新建伯王守仁有文祭之嘉靖丙戌御史謫簿李本表之曰名

賢之墓弟編修鄭一統墓在紫陌山

司正贈御史薛侃墓

在地美都鳳鳴山兄薛進墓在東廂九郎山姪給事中薛宗鑑

墓在楓洋

知縣吳繼喬墓

在海岡都知縣馮元魁撰墓碑

程鄉縣

南齊程旼墓

在縣北八十里義化都

宋古宗悅墓

在縣東南十里龜澤

饒平縣

唐鄒牛客墓

在留嶺

宋丞相陸秀夫母趙氏子九郎墓

傳在南澳

知州張夔墓

在隆眼城都新峯獅山

知州陳耆翁墓

在東山

知府張某墓

在陳坑上底

駙馬都尉吳某墓

在大港南山咸淳諭葬

學士陳東園墓

在大埕西園頭

元鍾進士墓

在北山榕樹下

明林壽官墓

在西陂山

僉事周用墓

在宣化都鳳髻山

教諭陳懋墓

在宣化都碑子口

舉人楊驥楊鸞墓

一在海陽竹篙山一在饒平浮山

薛璽墓

在韓山
左麓

尚書黃錦墓

在梅岡都

節婦葉氏墓

在黃岡白石嶺

節婦鄒氏墓

在柘林北山

貞女陳悅孀墓

在秋溪
御林

澄海縣

明陳明德墓

在觀音山

尚書翁萬達墓

在三河賜祭葬大學士王錫爵銘

卽中唐伯元墓

在豐政都

普寧縣

宋扶駕將軍留某墓

在本都黃舉林山所

平遠縣

明程處士墓

在壩頭舊名程源村

肇慶府

高要縣

宋知府王洎墓

在新江都元豐間王洎為端州守卒于官因葬此

通判嚴挺臣墓

在雲秀臺

贈郎中李英墓

在橫石都祿村與妻南恩陳氏皆以死難招魂合葬于此

光祿寺丞梁顯墓

在歸仁鄉

提刑毛某墓

在大湘山相傳為廣西毛提刑有人於山麓見石人馬

明春坊贊善梁敏墓

在水坑都

大理寺丞鍾英墓

在冠蓋鄉官井山

郎中程文墓

在都幕都金鉤嶺

叅議李魁墓治中何經墓

俱在寶查都

光祿寺少卿吳赴墓

在烏石都鄧坑山

布政使梁廷振墓

在黃岡都峽山廷振南海人

同知贈大理寺少卿區益墓

在古耶甲橫岡

郎中譚大寧墓

在劉村都黃慶湖

四會縣

宋十九君墓

學士李積中之祖十一世孫李宗霖重修

翰林學士李積中墓

俱在清塘村

駙馬都尉江某墓公主趙氏墓

俱在社山下社稷壇之左

陽山徐烈士墓

在隆湖都

明御史林貢墓

在鳳翔岡

知府林世遠墓

在陶塘

運使李津墓

在清塘

布政盧宅仁墓

在龍頭山

御史李檠墓

在清塘

新興縣

唐盧某墓

在龍山六祖之父唐神龍間賜題

明侍郎陳鼎墓

在延壽都
索水村

陽春縣

宋知州王亘墓

在縣西北
漏澤院傍

陽江縣

唐越國公馮盎墓

在東山之陽按寰宇記電白縣界
馮家村乃盎家此地又得碑有姓

名

五代南漢劉王女墓

在縣東王女名素馨葬于此其
塚上生那悉名花因名素馨

宋尚書李喬木墓

在城東二
十里官山

太傅張世傑墓

在壽文都平章山下元史謂死海陵港口平章

即海陵之東也相傳世傑死時諸將焚其屍玉骨葬于潮居里之赤坎村於是遂謂陽江世傑葬處為赤坎村矣明弘治間知縣柯昌始大封其墓陳獻章以詩吊之云大封赤坎墓昭昭惟衆聞是也王佐則謂潮居里赤坎村乃在香山陽江無之又以此為疑墓

元尚書李梅國墓

在澗水梅花洞花洞村

知府徐季墓

在牧賚村朝霧山

郎中李天培墓

闕

主事陳衡墓

在河南都渴山村

知府劉芳墓

在鳳凰山

明知府劉源墓

在那貢里朝屏山

高明縣

宋侍郎麥夢協墓

在新會界

進士提刑譚惟寅墓

在阮涌一圖新村

駙馬都尉楊鎮墓

在官邊交椅山

元都監劉清墓

在良村都夢塘山

明廣西叅議葉正墓

在小崗大朗山

開平縣

五代南漢劉王墓

在縣東白桂坪

德慶州

秦蒲媪墓

晉康志昔有溫氏媪者端溪人於水許得一卵大如斗持歸置器中經數日忽有一

物如守宮長尺餘穿卵而出能入水捕魚媪一日治魚誤斷其尾遂去數年乃還始知其為龍也媪死瘞于江陰龍子嘗為大波至墓側縈浪轉沙以成墳蒲誤作溫蒲志墓在州東一百里悅城之南一夕五龍移于北岸凡洪水淹沒週圍皆濁而近墓數尺獨清云按蒲媪龍母也本蒲姓秦始皇時人見孝通廟注及萬歷雜志以為晉時人悞也

隋授黎陽郡夫人潘氏墓

在州東七十里三洲巖之東隋開皇十年崩南行軍

總管王績南征夫人至軍貢米七千斗馬五十匹杖四十具十六年敕授黎陽郡夫人唐貞觀四年終卜

葬于此
今湮沒

明靖江府右相李質墓

在清秀里布山

高州府

茂名縣

宋趙王墓

在玉嶺山宋有趙王辛葬于此

都諫李學曾墓

在赤嶺去縣一百二十里

電白縣

隋高涼郡夫人洗氏墓

在舊縣境

唐越國公馮盎墓

在舊良德鄉去縣二百里有石碑曰馮府君墓

宋承務郎楊廷裕墓

在縣東保寧鄉

明御史黃子平墓

在縣西南下保寧鄉

廉訪使楊應宸墓

在縣東下保寧鄉

進士崔浩墓

在縣山下博霞峒山中

都指揮張演墓

在縣西馬場垌下賜葬

教諭鄭勉墓

在西
熱岡

教授林有松墓

左鳥
石嶺

教諭吳綸墓

在縣西熱水
館西山中

教諭張濬墓

在縣西榕
樹山中

知縣任紀墓

在縣西白
石田山中

贈昭勇將軍范旻墓

在北
莊山

知縣黃廷圭墓

在東
莊垌

知縣黎磐墓

在縣西
麻洋山

主事吳思齊墓

在仙人題字領

叅將董正墓

在雙木山中

指揮李讓墓

在東莊山

叅將董氏墓

在西熱岡

指揮李儲芳墓

在東教場

叅議吳守正墓

在牛眠坡

烈婦李氏墓

在西山中

叅將范德榮墓

在牛眠坡

叅將董廷玉烈婦某氏合葬墓

在蛟潭山中

知縣張文耀墓

在水東安樂山中

贈知縣張文燦墓

在白花嶺

信宜縣

宋徐氏墓

在鳳凰山麓徐氏闔人林芝妻也隨芝司訓信陽卒葬此山時子廷玉尚幼後登進

士提學廣東祭墓有詩

明副使梁成墓

在高山村

御史陳佐墓

在鳳坑獅子岡

署正周瑜墓

在歐村

知縣李京墓

在歐村

知州張文資墓

在南臻山

化州

宋學士范祖禹墓

在城南二里石牛嶺墓
傍有祠明永樂中建

明義士楊暢陳時墓

在養濟院左偏

內使黎某墓

在黃姜山

吳川縣

唐刺史馮士勣墓

在縣西南特思山妻吳川郡夫人合葬此

廉州府

合浦縣

宋交州刺史陳伯紹妻墓

在夫人山城東一百二十里

欽州

宋諫議大夫甯悌原墓

在城東三十里大墓山下

國子監丞梁里許墓

在欽州楊士奇撰銘

倪正女墓

在大東望州嶺大路傍

知府楊冠墓

在城西北三里橋下

王母墳

在武安鄉石龜寺旁

御史沈福墓

在永安海岸鄉大人灣

靈山縣

宋奉諫大夫鄧大周墓

在縣東五十里東山嶺

明藩朱統鏗墓

在縣東五十里士民四時祈禱其應如響

叅政韓珠墓

在廢石康縣界黃姜嶺下

叅議裴衷墓

在縣南三里長塘嶺

進士黃華墓

在縣西三里藤籬嶺

孝子施敦墓

在永安東城二里

雷州府

海康縣

明知府馮彬墓

在縣北山

國朝福建巡撫陳瓚墓

在府城東五里東洋之五龍坡
恩贈禮部尚書 賜祭葬立碑

遂溪縣

宋蕭亮帥墓

在縣南傍塘
館舖之側

徐聞縣

宋某公主墓

在縣東三十里邁稔村傳云公主偕駙馬陳以進俱卒葬此墓前有公主井尚

存

駙馬都尉陳以進墓

駙馬陳以進十六都人葬縣東六十里都教村墩尾

明知縣平鋼墓

在邁亭村

瓊州府

瓊山縣

唐尚書吳賢秀墓

在縣三十里牛欄坡

馮公墓

在瓊山明宣德間鄉人耕陶公山下掘得古塚磚甃皆非常所見者中有石碣刻云大唐

賜紫金魚袋馮公之墓翰林學士李吉甫撰文餘字湮沒

明教諭趙謙墓

在縣舊學東北隅

文學王惠墓

在蒼驛都多閑地

進士王克義墓

在陶公山馮公墓前

御史唐舟墓

在蒼驛都雲亭山

大學士邱濬墓

在五原都五龍池水頭村南夫人吳氏合葬有諭祭葬碑

解元唐濂伯墓

在蒼屹山

太常寺卿夏昇墓

在博蒼山諭祭

侍郎唐胄墓

在陶公山下有諭祭碑

御史俞宗梁墓

在蒼驛都南正之原

御史陳實墓

在陶公山

侍郎鍾芳墓

在蒼原山賜祭葬

御史馮顯墓

在蘇尋家山賜祭葬

知府陳天然墓

在南橋之原

知府鍾允謙墓

在官廳之原

員外唐穆墓

在香根

知縣王儼墓

在白水塘

叅政黃弘宇墓

在元墩嶺

副使黃顯墓

在定安金雞嶺

右都御史海瑞墓

在瀘崖賜祭葬

按察使林震墓

在大塘之原

副都御史梁雲龍墓

在龍坡賜諭祭

工部郎中吳會期墓

在雲亭山而

叅政王廷鵠墓

在蒼驛

澄邁縣

宋劉上舍墓

劉縣尉墓

劉巡檢墓

俱在王家都淳祐間建造石工精巧碑刻官名後裔未詳

元苟夫人墓

在豐盈麻練地文昌雲從龍之母

定安縣

明尚書王弘誨墓

在博曲古所之原

布政胡濂墓

在黃竹

文昌縣

元總管雲海墓

在楊添補衙地雲從龍之父

明翰林何測墓

在溪西之原

御史邢宥墓

在縣東銅斗山諭祭

叅政王懋德墓

在倉前

主事林密墓

在石壁

主事林華墓

在御墩之原

主事韓俊墓

在黃丹

參政邢祚昌墓

在湖尾

中書陳是集墓

在畧地

烈女林五娘墓

在橋北之原

樂會縣

周泰墓

在蓮花墩未詳何代

臨高縣

明桐鄉王佐墓

在博文都茂窰山

曾東園墓

在秋陽馬鞍嶺曾約菴父

鍾起墓

在縣北十里賓來山

曾約菴墓

在縣西北毘耶嶺下

進士劉大霖墓

知州珍之子

無遮塚

在縣東三里弘治六年知縣張文煜收葬枯骨

骷髏佳城

在縣西一里嘉靖十八年西山黃若錦收葬枯骨

儋州

明薛綜墓

在德義山下陳村前

叢塚在保吉營弘治間符南蛇亂死

者甚衆官叔而定名曰叢塚

唐朝印墓

在松林嶺石巖之北

梁成墓

在州治北天堂書屋右側百步許

昌化縣

宋丞相趙鼎墓

胡銓懷趙鼎詩云一堆孤塚存瓊島千古高名此泰山又趙村有老叟自

稱宋宰相趙鼎孫嘗指屋傍山曰此即祖墳雖與宋史異姑存之

承議郎符確墓

在縣南黎都

萬州

元荆王太子墓

元撒整王之子至元中謫萬州數年卒葬于州東北八里東山嶺下今塚

尚存

陵水縣

淑人楊氏墓

在縣五十里後落嶺未詳何代

崖州

宋知軍裴聞義墓

在州東三十里南滿村

明知州王鐸墓

鐸雲南人鄉試發解任崖有惠德卒于官葬于州治高山路口南田之南

羅定州

隋都督陳某墓

在州南
八十里

東安縣

明太保陳璘墓

在六都蓮塘地璘韶
州翁源人卒後葬此

連州

宋司徒鄧魯墓

在韶坡村
騰空山

宰相劉瞻墓

在翠峯東郡
守曹鎬誌

五代水部孟賓于墓

在靜福山
虎頭峯

湖南副使石文德墓

在東村
南岸塘

僕射黃損墓

在東良梅花嶺

宋諫議大夫邵晔墓

在龍口村諫議灣

大理寺評事唐靜墓

在新塘村

提刑唐顯墓

在保安虎形山父新州太守玳墓在椽山

明太常少卿李邦義墓

在潭湄村父贈府丞潮墓在蟠龍岡有御祭

主事戴雲墓

在瓦窰岡桐水嶺

員外唐元墓

在大塘岡

贊善大夫唐炎墓

在黃村山後

朝散大夫嚴武墓

在高涼陳屋
巷沙涌松角

給事中譚清墓

在本州
沈小洞

御史王文彥墓

在本州北
蒔蘆

御史巖誠墓

在瓦窰岡
村東南

知府何清墓

在本州瓦窰
村大座嶺

知府雷礪墓

在朝天門
飯籬園

僉都御史曾象乾墓

在中峯
山下

進士莫與齊墓

在飛來
廟下

陽山縣

唐將軍李玉珪墓

在縣西分手嶺

宋尚書李延拱墓

在白水城

連山縣

明尚書麥志德墓

在黃田村觀官山

廣東通志卷五十五

欽定四庫全書

廣東通志卷五十六

仙釋志

方伎附

粵稱海濱鄒魯豈重仙釋哉蓋自考亭濂溪南軒
諸子流寓以後至甘泉白沙雖微分塗徑要共入
堂奧以大中至正之道為道以主敬存誠之心為
心以擇善固執之學為學青牛白馬之說何由闌
入其中然而羅浮本屬洞天曹溪實傳衣鉢安期

之飛昇惠能之印證二氏宗風實首倡焉蓋山水
靈異之鄉吾儒之所遺輒為二氏之所收久矣丹
筌梵筴或現神通或抉窅窅固有人焉未可廢也
志仙釋而以方伎附焉

仙傳

周浮丘公靈王時偕王子晉上嵩山後適羅浮得道

五僊人

詳古蹟
五羊城

秦安期生瑯琊阜城人賣藥東海時人皆言千歲翁

其時齊人李少君者好道入泰山採藥修絕穀避世之術未成而病遇安期生與神樓散一匕服之即起遂將少君東至赤城南至羅浮北至太行西遊玉門周流五岳數十年後遂飛昇而少君還臨淄市亦壽數百歲安期生在羅浮嘗採澗中菖蒲服之至今故老指菖蒲澗為飛昇處云

桂父象林人色黑而時白時黃時赤南海人見而尊事之

霍龍龍川人秦時避亂卜隱太乙山巖遇真人授以金液還生丹後值瘴濟人名傳于世鄉人名此山曰霍山

漢東郭延字幼平一字延年山陽人秦時隱居增城山數百歲一旦空中人乘虎豹來迎遂詣崑崙山仙去

朱靈芝其先宛人初無名字後徙北谷師事太素真人以餌青精人稱青精先生來羅浮修煉有五色鳥

銜赤龍芝取而服之因名靈芝復得玉珮金璫之道
禮華蓋隱元之星務魁步罡叱咤風雲攝召鬼神乃
白日昇去治耀真洞天其棲息處有朱子菴及朝斗
壇

華子期淮南人授隱僊靈寶方書於祿里先生後僊
去居羅浮受命治泉源福地

姚俊字翁仲錢塘人少為郡佐遷交州太守漢末棄
官入增城山中遇東郭延師事之授九精鍊氣輔星

存心之術及神丹力主服之成道

王遠字方平東海人舉孝廉除郎中累遷至中散大夫博學尤明天文圖讖河洛之要居崑崙山往來羅浮及句曲乘一黃麟十數侍者山海神皆奉迎拜謁甘始太原人善行氣不飲食又服天門冬依容成元素之法更演益之為一卷用之治病甚效在人間三百餘歲乃入黃屋山僊去

康容道士漢末隱韶州芙蓉山鍊丹昇仙山半有菴

丹竈遺址尚存

吳董奉字君異侯官人士變為交州刺史得毒病死
三日奉時在南方乃以三九藥內變口中食頃即甦
變乃為奉起高樓於中庭奉不飲食惟啖脯棗奉死
變使人殯埋之七日有從容昌來見奉曰謝士侯好
自愛重變乃開視棺中但見一帛畫作人形及丹書
符奉後還廬山下居

盧耽為廣州治中有仙術解雲飛每夕輒凌空歸曉

則還州後傳仙去

晉鮑靚字太元上黨人漢司隸宣之後太興元年遇
陰長生授以神丹尸解之法後為南海太守嘗行部
入海遇風饑取白石煮食之靚以女妻葛洪洪居羅
浮靚晝臨民夜常往來山中與語或達旦騰空而去
人見其來門無車馬獨雙燕往還怪而候之則雙履
也

葛元字孝先瑯琊人入天台赤城上羅浮飛雲頂鍊

丹得仙號葛僊公

葛洪字稚川句容人少好學以儒知名尤好神仙導養之法咸和初司徒王導召補州主簿選為散騎常侍洪辭不就求為句漏令從之遂將子姪俱行至廣州刺史鄧嶽留洪乃止羅浮山煉丹嶽表為東莞太守辭不就乃以洪兄子望為記室叅軍在山間養所著有內外篇號抱朴子及他書不下數百卷年八十卒世以為尸解云其妻曰鮑姑靚之女也與洪相

次仙去

單道開敦煌人石季龍時從西平來佛圖澄與語不能屈也後至南海入羅浮山獨處茅茨蕭然百餘歲卒于山舍相傳尸解其後道開之族女曰縣君亦飛昇

潘茂名潘州人初好道入山遇道士奕棋立觀久之道士顧曰子亦識此否對曰入猶蛇竇出似鴈行道士可其說因曰子頂骨貫生命門輪齊日月胸血未

戒心影不偏修煉則可輕舉授以黃精不死之丹後
於東山採藥煉丹上昇之日雞犬咸隨

毛方電白人自幼至老色如渥丹能預知陰晴歲時

豐歉常以告人無不應驗一旦隱迹不知所之今縣

東毛山即其隱處也

按茂名志毛方一曰許毛

梁盧安定人嘗為曹掾棄去太清真人教以神丹使
往名山採靈物丹乃可成盧自會稽至羅浮居觀源
洞尋藥修煉丹成僊去

王佐字子陽太原祁人少學長生入鍾嶽遇武陵黃
敬授以訣曰天關之中有輔星想而見之翕習成赤
童在焉持朱庭指而搖之鍊身形消遣三尸除死名
審能守之可長生失之不久淪幽冥佐受而行之南
來遯居羅浮山後仙去

劉高尚真人嘗於雙髻峯造石壇高百尺為趺坐之
所左右生竹葉符可以鎮虵虎壇址至今存

鄭僊在羅浮默修僊道而治田耕一日人見其騎牛

入石遂不知所在有石洞在明福觀

黃野人葛洪弟子也洪既仙去留丹于羅浮柱石間
野人得一粒服之遂為地行仙常在人世或有遇之
者

宋任敦字尚隱博昌人隱羅浮學道後宋元嘉中居
茅山南洞行步斗之法及洞元五符能召役鬼神隱
身分形常居山舍狼虎不敢犯

隋蘇元朗不知何許人嘗學道於句曲得司命真秘

遂成地仙生於晉太康時隋開皇中來居羅浮年已
三百餘歲隱青霞谷修煉大丹自號青霞子作太清
石壁記及所授茅君歌又發明太易丹道為寶藏論
時弟子朱真人服芝得仙元朗復著旨道篇示之自
此道徒始知內丹矣又以古文龍虎經周易參同契
金碧潛通秘訣三書文繁義隱乃纂為龍虎金液還
丹通元論內視九年道成冲舉而去

谷中有
伏虎石

唐王體觀亦名王野人初羅浮觀原未有室宇乃縫

紙為裳取竹架樹覆以草止其下豺豹熊象過而馴
之弗害也積十年乃構草堂植茶成園墾田以供食
無妻子少言語貞觀二十三年五月卒處士陳恒發
其棺惟見空衣云

木鄧子不知何許人絕粒修煉于西樵山之金釵嶺
世傳其白日冲舉今丹井尚存

泉味迥異於別泉

後有稱紫姑

烏利道人並修煉此山遺跡在焉

徐姑僊北齊僕射之才女也數百歲狀貌常如處子

善禁咒之術遊海內三江五嶽天台四明羅浮括蒼
所至之處畏敬若神

何僊姑增城民何泰女也生開耀間性靜柔簡淡所
居春岡與羅浮山相望嘗告其母曰將遊羅浮父母
怪之為之擇配親迎夕忽失所在明旦惟餘井側一
履頃有道士來自羅浮見僊姑踞麻姑石上謂曰爾
之增城屬吾親收拾井上履鄉人以為僊唐武后召
赴闕中路失之天寶九年有五色雲起於麻姑壇有

仙子縹緲而出道士蔡奉一識其為僊姑也會昌中
又見於小石樓廣州刺史高輦上其事

申太芝字元芝洛陽人嘗遊南嶽遇異人授金丹火
龍之術遂能乘虛開元中入京中秋夜與元宗同遊
月宮過一大門在玉光中見宮榜曰廣寒清虛之府
盧眉娘生而眉綠人呼為眉娘順宗朝南海貢之能
於尺絹上繡法華經字如粟又能以絲一縷作飛仙

十洲三島天人玉女臺殿龍鳳之象每日飯胡麻二

三合順宗嘆異之召入宮內謂之神姑至元和中憲
宗度為女道士放歸南海仍賜號曰逍遙大師後數
年不食尸解香氣滿室將葬舉棺輕及撒其蓋惟存
舊履而已其後有見眉娘乘紫雲於海上

軒轅集不知何許人武宗會昌三年集以山人進宣
宗即位誅趙歸真遂流集於嶺南因居羅浮人傳數
百歲顏色不老髮長垂地大中十一年遣使召至問
長生可致乎對曰絕聲色薄滋味哀樂一致德施無

偏自然與天地合德日月齊明雖堯舜禹湯之所以
致上壽者此道也況長生乎留數月求還山命中使
送之未及山忽失所在中使惶恐集已歸羅浮矣

劉瞻小字宜哥桂陽人

今連州

家貧好道入居羅浮瞻

兄瞻性務榮進舉進士官至宰相咸通十一年以言
獲罪謫嶺南行次廣州泊舟江濱忽遇瞻於是同舟
共語一夕失瞻所在後人於羅浮有見之者

五代黃步松隱身不仕嘗修煉山中遇仙點悟丹成

羽化而去後人名其所居曰遇仙洞

黃勵不知何許人南漢據有百粵勵為正州刺史

今惠

州是時劉氏淫刑峻法勵乃棄官入羅浮水簾洞左
築書院居焉亦自號曰黃野人嘗遇仙真授以丹法
修煉得道

陳代仁連州人鬻薪以養二親一日遇道士於養父
嶺奕代仁侍道士賜殘桃一曰汝孝養通靈與一合
封識甚固令卦於市休咎百中時山下祠與山頂仙

壇十里而遙每日鐘並鳴皆代仁自擊後棲白鶴山
不知所終

宋雷隱翁名本桂州人少磊落不羣既長業進士不
第即棄去默坐終日後遠遊不知所之元祐中有命
使羅浮見本嘯傲松下自道姓名云雷隱翁乃知其
僂也

安昌期恭城人少舉進士為橫州永定縣尉以事去
遂不復仕獨與一童來廣州中宿峽山廣慶寺自言

其爵里姓名數日不返寺僧意其為虎豹所食求之
莫知所在惟石室中有詩云蕙帳將辭去猿猴不忍
啼琴書自為樂朋友孰相携丹竈非無藥青雲別有
梯峽山余暫隱人莫擬夷齊後題前橫州永定縣尉
安昌期筆然後知其得道也曲江守張昂為傳其事
藍喬字子升龍川人母陳氏禱於羅浮山而孕及期
夢一仙鶴集其居是夕生喬後上昇

崔羽字紫霞唐州人遊羅浮初不言其年朱顏方腫

舉止朴野性喜酒醉則歌中所言休咎皆驗後死焚
之有蝴蝶徑尺自烈焰中騰空而去

石泰字得之常州人苦志修煉道成作還元篇壽一
百三十七歲相傳尸解後二年復見於羅浮山

陳楠字南木博羅人得太乙刀圭金丹法及景霄大
雷琅書以符水捻土抹人病輒愈人呼為陳泥丸宋
徽宗政和擢提舉道錄院事後歸羅浮所著翠虛妙
悟集行于世弟子鞠九思沙蟄虛白玉蟾尤知名

白玉蟾字如晦本葛長庚變姓名世為閩人以祖任
瓊而生自號海瓊子得翠虛陳泥丸之術當時士大
夫欲以異科薦之弗就也往還羅浮霍童武夷龍虎
天台金華九日諸山博洽儒書究竟禪理善草書篆
隸尤妙梅竹間自寫其容數筆立就工畫者不能及
授上清錄行諸階法攝都天大雷所用雷印常佩腰
間凡有祈禳輒應竟莫知所終所撰有羅浮山志
朱橘號翠陽安慶人遊博羅遇道士手持一橘狀若

風狂橘拜之授以九鼎刀圭火符之訣五雷金書玉篆之文九八飛神陽道之法淳祐六年十一月十三日尸解去

莫道人名洞觀容州人居羅浮石洞不知其年亦不言其歲數山下父老或有八九十歲者自言少年時已見丰姿今不異於昔云

陳仁嬌南海人有仙數百從空招之仁嬌超然隨衆去

九僊女仁化人韓氏有十女其九皆在巾子峯古巖
修道仙去水旱禱之輒應

明簡雲顛不知何許人狀若風狂善號召風雷驅役
百鬼鄉人以旱請禱雨則為壇書符篆焚之有頃陰
雲蔽日雷電而雨

釋傳

晉三藏法師曇摩闍賓國僧也安帝隆安間至廣於
城西虞翻苑創梵刹曰王園寺宋永初間有梵僧永

那跋陀羅三藏休寺右創戒壇立制止道場幟曰後

有肉身菩薩於此受戒

即今光孝寺唐房融於此受楞嚴經

宋杯渡禪師不知姓名嘗乘木杯渡海憩瀕屯門山
後人因名其山曰杯渡復駐錫靈渡山山有寺亦名
靈渡有詩并序刻于山巔

梁景泰禪師不知何許人有功行道術能役使鬼物
嘗居羅浮山頂池上池有蔬葉師曰此泉當與人境
通因書偈投於水偈出廣州王氏池因捨地為寺號

曰王國寺廣州刺史蕭譽每召與語朝至而暮宿羅浮時謂聖僧始山中無水師卓錫于地泉湧不竭人號卓錫泉譽因建寺於菴所題曰南樓寺師嘗說法有龍來聽人號其處為龍王坑大同中又有曇裕者內道場沙門也武帝謂釋迦有真舍利八萬四千散在羣方遣裕東來求之裕乃請居此刹有詔許焉仍分舍利造塔貯之

智藥禪師天竺國僧也武帝天監元年自其本國持

菩提樹航海而來植于王園寺尋流上至韶州曹溪
水口聞水香掬而嘗之曰此迦上流別有勝地尋之
遂開山立石寶林乃預記一百七十年後有肉身菩
薩來此演法至唐六祖傳衣鉢于曹溪之上果符其
說嘗開月華寺住羅浮創寶積寺後來韶又開檀特
寺靈鷲寺神異莫測朝遊羅浮暮歸靈特普通六年
於羅浮受龍王請入海演法不復返將去時翦爪髮
付弟子善普塑像永鎮檀特

達摩天竺王子以護國出家普通入南海止王園寺
得禪宗妙法云自釋迦相傳有衣鉢為記世相傳達
磨齋衣鉢航海而來至梁謁武帝帝問以有為之事
達磨不對乃之魏隱於嵩山少林寺遇毒而卒其年
魏使宋雲於葱嶺回見之問徒發其墓但有衣履而
已今廣州城北悟性寺井甚鉅相傳以為達磨所穿
云

正俊禪師初住舒州上元延祚寺普通三年清遠峽

山有二神化為居士夜叩師曰峽據清遠上游吾欲
建一道場師居之乎師許諾中夜風雨大作遲明啓
戶寺已徙置峽山師乃說偈曰此殿飛來安不回去
忽聞空中曰動不如靜郡邑上其事賜寺額曰至德
其後唐開成西域僧金剛仙者來居峽山寺善梵咒
因鬼魅縛蛟螭振錫一聲召雷立震

隋僧璨者不知何許人即三祖也常往來司空山久
無識之者遊羅浮諸山復還舊止合掌而逝唐代宗

賜璨諡鏡智禪師

惠遠禪師開皇中人有戒行雲遊至羅浮常居山引虎枕其膝後人以其所居為伏虎巖

唐惠能姓盧初范陽人父行瑫武德三年官新州母李氏感異夢懷孕六年生能時有二僧來謁因定名

惠能

言惠衆生能佛事也

三歲喪父長鬻薪供母年二十四不

識字聞客誦經云應無所住而生其心言下大悟問客所從來因辭母往黃梅參禮五祖祖問以南方猶

獠何為求作佛能曰人有南北佛性無南北猶獠身
非和尚佛性有何差別祖奇其對暫令隨衆作務能
復曰智慧不離自性今作何務祖益私心異之一日
思授衣鉢乃令衆弟子作偈以驗見解神秀偈曰身
是菩提樹心如明鏡臺時時勤拂拭勿使惹塵埃衆
皆喜誦大譟能即賡之曰菩提本無樹明鏡亦非臺
本來無一物何處惹塵埃聞者益大嗟詫祖心知其
頓悟次早潛至碓坊見能腰石而舂曰為法忘軀當

如是乎然來熟未也能曰熟久矣久節祖以杖三擊其確而去能會意三更入室授衣鉢嗣祖位能辭祖去度大庾嶺遂至廣州法性寺時印宗方說涅槃經論風幡之動不能決能進曰非風非幡仁者心動一座盡驚延之上座與惠奧義見能言簡理當不由文字謂曰黃梅衣鉢久聞南來行者是耶能謝讓乃請衣鉢出示衆因問黃梅指授能曰指授即無惟論見性乃為解說不二之法宗契悟儀鳳元年正月十五

日為能薙髮二月八日就智光律師授滿分戒菩提
樹下開東山法門其所演說惟依般若三昧令學者
頓悟菩提明年能還曹溪升堂說法徒眾如雲殿前
有潭龍常出沒能攝受歸鉢中為龍說法龍蛻骨去
骨長七寸首尾俱具神龍二年中宗詔迎赴闕能辭
至元己卯兵火失去疾願終林麓許之敕改寶林寺為中興寺三年仍賜
舊居為國恩寺開元元年八月三日集眾弟子於國
恩寺齋罷復說偈已三更端坐奄然遷化異香滿室

白虹屬地年七十有六一時嗣法者四十三人今錄其顯者曰行一禪師曰曉了禪師

行一禪師姓劉吉州人能弟子能深器之令師首衆一日謂曰汝當分化一方無令斷絕師既得法回吉州青源山弘法紹化號弘濟禪師

曉了禪師住臨廬擔山六祖嫡嗣也得無心之心了無相之相又曰得無無之無有有之有不有之有去來非增不無之無涅槃非滅門人忽雷澄銘其塔云

大顛姓楊生而神異元和間得法遷羅浮旋歸潮陽
立禪院於雲山韓愈貶潮時召至州留十數日及去
留衣服與別長慶中趺坐而逝至道中有發其緘了
無一物惟明鏡而已

元慧者嘗至羅浮後居連州寺韓愈時為陽山令重
其戒操贈詩云前年往羅浮步屐南海湄大哉陽德
盛榮茂恒留春鵬鵠墮長翮鯨戲側修鱗自來連州
寺曾未造城闔日携青雲客探勝窮崖濱太守邀不

去羣官請徒頻囊無一金資翻謂富者貧時吏部員外郎王仲舒貶連州司戶叅軍甚敬愛之

歸南姓黃新會人生於開成四年叩以禍福其應如響中和九年九日往道北大報山削髮趺坐而化里人遂即其地祠之宋有立僊者歸南同里人生紹定中少好善果淳祐端午趺坐而化鄉人飾其像奉之祈禱無不感應

惠寂保昌人姓葉九歲出家往曹溪從真藏聽維摩

經又往吉州孝義寺禮性空和尚曰吾非汝師新塗
耽源山有老宿名應真汝可往從之寂如其言至耽
源遇老宿曰祖師臨滅時謂三十年南方有一沙彌
來大興此教今付與汝後往洪州觀音寺復遇異僧
禮拜曰本來東土禮文殊今日却見小釋迦會昌元
年至袁州仰山結菴居焉咸通五年賜號知宗大師
慚愧祖師姓潘氏名了峯閩人解法悟道行雨露間
弗濡大中間修行徑鄉陰那山臨沒說偈趺坐而化

鄉人即菴祀之

寂照大師姓周名全真郴州人自幼了悟出家元和
中遊羅浮至湘山因居焉會昌五年詔汰釋氏一夕
頂生肉髻鬚髮自此遂服衣冠居城西淨土院咸通
八年二月十日謂弟子曰無色界天請吾說法是夕
坐化年一百三十有二

五代贊聖禪師姓盧名道倫新興人童時削髮遊韶
州雲門山事洪智大師了悟後居龍境山法相禪院

坐化其徒塔而瘞之三年塔忽自裂光明皎然啓塔
出之金剛色凝自若

白雲實性姓陳氏名志庠封州人偽劉主嘗延之實
性開山建刹名白雲實性之後曰志文曰契本曰達
真曰妙光曰惠龍五世皆傳燈具眼云

宋賓公道者增城人少出家歷著神異人呼聖者忽
一日坐蛻于瑞山石上遂龕而飾之遇水旱疾疫禱
無不應

潘冕南海人陽狂不測人謂之潘癡蜀人有趙棠者
寓南海從冕遊盡得冕道冕隱去不知所終而棠亦
坐化焚其衣得舍利數升蘇軾與棠子昶遊得舍利

四十八粒

張安道作棠墓誌其載其事

和靖臨高人生靖康丙午少慕道往儋之松林嶺修
行飡松飲露又往凌霄福地面壁六年淳熙丙午冬
騰化羽

善清保昌人姓何八歲出家得法於黃龍草堂紹興

中端坐而化又有黃佛者紹興二年修行成道坐洪
崖山頂不火食數月化巖下

普通禪師開禧甲子自曹溪來居於泉源山前此禪
棲者多欲為庵而苦於無水師來居竅其地得泉於
榻側味甘冷視卓錫無異人皆神之

祖演者雲峰菴主也不知其所由來開禧丁卯入定
菴中跏趺終日短髮金色淳祐中李昴英以詩贈之
元月林澄邁人自幼頴悟入山苦行修習住持普明

寺文宗皇帝潛邸時賜金帛幣甚夥悉留寺帑年五十涅槃作偈曰昔不曾生今何曾滅月過長空清光皎潔趺坐而焚時有五色舍利觀者喜愕

明曇謏南海人至杭遊徑山寺因叅元叟和尚始悟覺宗遂祝髮為僧遍歷大方詣普陀巖觀觀音現相然二指以答靈貺登峨嵋山拜晉賢現身復然二指洪武三年居光孝禪院因號六指僧

方伎
附

唐楊居士無名亦不知何許人嘗遊南海人不知其所止有奇術每至郡會太守守好奇聞其來甚喜厚禮之一日使酒忤太守不能容遂踈之後太守會宴於郡齋聞散樂而居士不得與席時有數客亦不在太守召中因謂居士曰先生嘗自負有奇術今太守宴客於郡齋而遺先生獨不能設術以動之乎居士笑曰此末術耳因命具酒使客環席而坐又命小僮入西廡下空室久之乃啓其門有三四伶人自廡下

來裝飾華煥携樂而至諸客驚異殆不可測乃命列
坐奏樂具歌客或訊其術但笑而不言飲至夜分居
士謂諸伶曰可歸矣於是皆退入西廡下空室中客
相目驚駭然尚疑其鬼物妖惑明日有說者曰太守
昨夜宴郡閣諸伶入列坐無何皆仆地瞬息又有大
風飄其樂懸而去迨至夜分諸伶方寤樂懸亦歸於
舊所太守質問諸伶皆云黑無所見竟不能窮其由
諸客大驚因以此事告於太守守歎異即謝而遣之

不敢留於郡楊歸隱山中不復露其術

宋陳昭遇南海人世為名醫開寶初至京師所知薦為醫官遂留家開封始領溫水主簿後加光祿寺丞賜金紫初太宗在藩邸暇日多留意醫術藏名方千餘首皆有驗及即位詔翰林醫官院各具家傳驗方以獻又萬餘首命昭遇與王懷隱等叅對編類成一百卷御製序名曰太平聖惠方鏤板行天下又嘗被召與醫官劉翰道士馬志等詳定本草既成書新舊

藥凡九百八十二種併目錄二十一卷上之昭遇於
醫術無所不究醫奇驗性謙慎以此被寵不衰

劉遁瓊山道士精術數丁謂在洛有僊遊亭遁來遊
作詩贈之云屢上僊遊亭上醉僊遊尚裏杳無人他
時駕鶴遊滄海同看蓬萊島上春謂初莫曉其意及
南遷見之於崖始悟遁為異人

明馮旻字尚高瓊山人少聰敏業儒通百氏子史尤
精星數遇道士傳役雷符法構靜室終日焚香端坐

有病狂或魅所乘者旻袖手屏氣揮毫作符以片紙
付之焚飲其病如脫

唐秩號海天孤鶴靈山人精符篆善鍊氣嘉靖十一
年至京遇旱禱雨立應偶宮中有鼠妖諸術莫效秩
用符驅之其妖遂除於是官以博士京師號僊師

龔法師逸其名從化人精五雷遁法能召致風雷役
使鬼神郡歲大旱官司祈禱不應師為壇郊外架層
臺其上集諸司守令壇下戒之曰雷雨即大至勿動

乃登臺演法時官司跪烈日中皆汗流浹背良久見
片雲起空中風雷遽作雨如注電光霹靂震繞臺端
而師已失所在衆官攝服不敢動踰時雷收雨霽師
仍在臺上而平地水深尺餘矣衆始神其術問之師
曰此激雷法也震怒時吾已化身微渺隙中若有動
者即當其威矣時有盜欲刳其材師聞以法激水環
灌之盜至見巨浸驚去因名為水浸嶺後有竊其筍
中魚者師伏法待之其子婦悞觸斃焉因焚其書卒

遂不傳於世今其葬地不生草云


劉邦永從化人少孤貧樵於山中遇異人授以岐黃之術及上池刀圭之法久之盡其秘歸遂以醫行世視病多望形察色或以一指按脉即知吉凶可治者輒喜與藥不問直不治者則不與藥泣問之則以指數示曰某日去矣無不驗者嘗為一陳嫗治病嫗請其數永以竹為籌封置岳中與之曰歲取一籌已而探籌盡果死所傳惠方四卷

陳半儂萬歷時人得異術能治妖

林良字以善南海人少聰警充布政使奏役繪翎毛
有巧思陳金假人名畫良從旁疵評金怒欲撻之良
自陳其能金試使臨寫驚以為神自此騰譽縉紳時
復繪花草曲盡其妙後拜工部營繕所丞得直仁智
殿改錦衣衛鎮撫畫工之雄推良為最如陳瑞以驢
名劉鑑以松著鍾雪以春草稱皆不及良名之盛云
子郊世其業直武英殿

國朝賴鏡字孟容南海人少讀書增城白水山亦號增
水山人逃禪萬壽寺性雅淡工點染山水筆力遒勁
氣格高凝

沈嘉徵南海人遇異人授以岐黃之術診脉若神用
藥立應



廣東通志卷五十六